

## CCXXIV.

PRIORI PRIORATUS SANCTI SEPULCRI DE SAMBLERIIS EJUS  
QUE FRATRIBUS TAM PRÆSENTIBUS QUAM FUTURIS  
REGULAREM VITAM PROFESSIS IN PERPETUUM.

*De confirmatione privilegiorum.*

(Laterani, vi Kal. Aprilis.)

Ad hoc universalis Ecclesiæ cura nobis a provi-  
sore omnium bonorum Deo commissa est ut religiosas  
deligamus personas et beneplacentes Deo religiones  
studeamus modis omnibus propagare. Eapropter,  
dilecti in Domino filii, vestris justis postulationibus  
clementer annuimus, et Sancti Sepulcri ecclesiam, in  
qua divino mancipati estis obsequio, ad exemplar  
felicis recordationis Innocentii et Alexandri præde-  
cessorum nostrorum Romanorum pontificum sub B  
beati Petri et nostra protectione suscipimus et  
præsentis scripti privilegio communimus, statuen-  
tes ut quascunque possessiones, quæcunque bona  
idem monasterium in præsentiarum justæ et canonice  
possidet, aut in futurum concessione pontificum,  
largitione regum vel principum, oblatione fidelium,  
seu aliis justis modis Deo propitio poterit adipisci,  
firma vobis vestrisque successoribus et illibata per-  
maneant, in quibus hæc propriis duximus vocabulis  
exprimenda. Villam Sancti Sepulchri cum ecclesiis  
et omnibus decimis et justitiis cæterisque ad eam  
pertinentibus, annuales præbendas, sicut per litteras  
Trecensis episcopi et capituli in ecclesia Sancti  
Petri Trecensis vobis concessæ sunt, ecclesiam de  
Monte Suzanno, capellam de Gued, capellam de  
Abbatia Molendinum de Gued, et quidquid habetis  
in territorio ejusdem villæ, tertiam partem oblatio-  
num in ecclesia de Bulliaco, videlicet in natale Do-  
mini, in Pascha, in festivitate Sancti Laurentii, et  
decimam in quarto anno, domum de Bulliaco cum  
vineis et appendiciis suis, et vineas de Lanis, eccl-  
esiæ de Viaspero, de Sancto Victore de Bonavicina,  
ecclesiæ de Albiniaco, et decinam in tertio anno, et  
minutam decimam. Ecclesiæ montis Hugonis et  
terræ ad eam pertinentes, et minutam decimam, et  
medietatem majoris, et censum atrii, et domum  
hospitalem cum appendiciis. In ecclesia Sancti Leonis  
tertiam partem oblationum in Natale, in Epiphania,  
in Purificatione Beate Mariæ, in Pascha, in Pente-  
coste, in festivitate Sancti Leonis et Omnis San-  
ctorum, de oblationibus eorum qui peras accipiunt;  
similiter sepulturas, censum atrii, medietatem ma-  
joris et minutam decimam. Decimam de Redelor, ec-  
clesiam de Bellevilla, et eamdem villam cum perti-  
nentiis suis, et minutam deciman; et decimam totius  
agriculture vestre. Ecclesiæ de Mergi, et deci-  
mam minutam ejusdem villæ, et majorem in tertio  
anno, et quidquid apud eamdem villam habetis.  
Ecclesiæ de Troanno cum omnibus decimis, et  
tertiam partem in molendino de Mediavilla, et cen-  
sum et justitiam ejusdem molendini, et quidquid  
apud ipsam villam habetis. In Ecclesia de Human  
duas partes oblationum in natale Domini, in Pascha,

A in festo Omnis Sanctorum, et minutam decimam.  
Ecclesiam de Villeta et censum atrii cum omnibus  
decimis. Denam sœnicis in grangia de Vulperia, sex  
sextaria bladi. Minutam de Vilermis, et medietatem  
majoris. Sceleriis quartam partem majoris decime  
et minutæ, et censum atrii. In Fontanis quartam  
partem totius decimæ. Capellam Galonis, et justitiam  
ejusdem, cum omnibus decimis et pertinentiis suis.  
Trecis aream domus Sancti Arraldi omnino liberam,  
et omnem hæreditatem quam idem Arraldus cum  
servis et ancillis cœnobio Sancti Sepulchri contulit  
liberam omnibus exclusis hæredibus et sine ulla re-  
tentione, sicut in instrumento bona memoriae Phi-  
lli qui quondam Trecensis episcopi legitime contine-  
tur. Trecis domum Theobaldi archidiaconi, et aliam  
domum quam in foro habetis, decimam reddituum  
duarum nundinarum quæ sunt Trecis in festo Sancti  
Joannis et in festo Sancti Remigii, et decimam vi-  
clausi comitis Trecensis, et quatuor libras donario-  
rum in Trecensi moneta in unoquoque anno, que  
dedit vobis Hugo Trecensis comes. Villam de Fon-  
tanis et justitiam ejuscum pertinentiis suis. Domum  
Droti cum pertinentiis suis; et quidquid habetis  
apud alium Drotum et apud Villare. Quidquid ha-  
betis apud Sosiacum et Lintella in terris cultis sive  
incultis, et apud Sezanniam, et decimam vinearum  
vestrarum de Bulliaco et Lanis. Quidquid juste ac-  
quirers poteritis dono vel emptione de casamento  
Trecensis comitis, de casamento Gausfredi de Bulle-  
pot et uxoris suæ Alaidis. Salvamentum de Fracta-  
ripa, et quidquid apud eamdem villam habetis. Sal-  
vamentum de Calciniaco, de Mergiaco, de Chauchi-  
niaco, de Fontenis, de Sancto Sepulcro. Usuaria in  
omnibus memoribus comitis Brenensis ad omnia  
necessaria, a Bernardo comite Brenensis vobis con-  
cessa. Pasturas Guidonis de Pedaniis in Expensario  
ad omnia necessaria, et molendina de Epiniaco.  
Sane novalium vestrorum quæ propriis manibus aut  
sumptibus colitis, sive de nutrimentis vestrorum  
animalium, nullus a vobis decimas exigere velet or-  
quere præsumat. Prohibemus itaque ut nullus terras  
vel possessiones quas a vestro tenei monasterio alii  
ecclesiæ vel monasteriis in vita seu in morte con-  
ferre vel ab ipso alienare absque licentia vel assensu  
vestro præsumat. In parochialibus vero Ecclesiæ  
quæ tenetis liceat vobis sacerdotes eligere et eis episcopo  
præsentare, quibus, si idonei inventi fuerint, epi-  
scopus animarum curam committet, ut de plebis  
quidem cura episcopo, vobis autem de temporalibus  
debeat respondere. Sepulturam quoque ipsius loci  
liberam esse decernimus; ut eorum devotioni et  
extremæ voluntati qui se illic sepeliri deliberauerint,  
nisi forte excommunicati vel interdicti sint, nullus  
obsistat. Salva justitia illarum ecclesiarum a quibus  
mortuorum corpora assumuntur. Decernimus ergo  
ut nulli omnino hominum liceat præfatum monaste-  
rium temere perturbare, aut ejus possessiones aufere  
vel ablatas retinere, minuere, seu quibuslibet vexa-  
tionibus fatigare, sed illibata omnia et integra conser-

ventur eorum pro quorum gubernatione ac sustentatione concessa sunt usibus omnimodis profutura, Salva sedis apostolicae auctoritate. Si qua igitur in futurum ecclesiasticae secularis persona hanc nostrae constitutionis paginam sciens, contra eam temere venire tentaverit, secundo tertio communita nisi reatum suum congrua satisfactione correxerit, potestatis honorisque sui dignitate careat, reamque se judicio divino existere de perpetrata iniustitate cognoscat, et a sacratissimo corpore et sanguine Dei et Domini Redemptoris nostri Jesu Christi aliena fiat, atque in extremo examine districtae ultioni subjaceat. Cunctis autem eidem loco sua jura servantibus sit pax Domini nostri Jesu Christi: quatenus et hic fructum bonae actionis percipient, et apud districtum judicem premia eternae pacis inveniant. Amen,

Ego Innocentius catholicæ Ecclesiæ episcopus subscripsi.

Ego Joannes Albanensis episcopus subscripsi.

Ego Joannes Sabinensis episcopus subscripsi.

Ego Nicolaus Tusculanensis episcopus subscripsi.

Ego Guido Prænestinus episcopus subscripsi.

Ego Hugo Linus Ostiensis episcopus subscripsi.

Ego Joannes tituli Sancti Stephani in Cœlio monte presbyter cardinalis subscripsi.

Ego Cynthus tituli Sancti Laurentii in Lucina presbyter cardinalis subscripsi.

Ego Soffredus tituli Sanctæ Praxedis presbyter cardinalis subscripsi.

Ego Cencius tituli Sanctorum Joannis et Pauli presbyter cardinalis subscripsi.

Ego Gregorius tituli Sancti Vitalis presbyter cardinalis subscripsi.

Ego Petrus tituli Sancti Marcelli presbyter cardinalis subscripsi,

Ego Leo tituli Sanctæ Crucis presbyter cardinalis subscripsi.

Ego Rogerius tituli Sanctæ Anastasiæ presbyter cardinalis subscripsi.

Ego Petrus Sanctæ Pudentianæ tituli pastoris presbyter cardinalis subscripsi.

Ego Stephanus tituli Sancti Chrysogoni presbyter cardinalis subscripsi.

Ego Gregorius tituli Sancti Georgii ad velum aureum diaconus card. subscripsi.

Ego Guido tituli Sancti Nicolai in carcere Tulliano diaconus cardin. subscripsi.

Ego Guala tituli Sanctæ Mariæ in porticu diaconus cardinalis subscripsi.

Ego Gregorius tituli Sancti Theodori diaconus cardinalis subscripsi,

Ego Octavianus tituli Sanctorum Sergii et Bacchi diaconus cardinalis subscripsi.

Ego Joannes tituli Sanctorum Cosmæ et Damiani diaconus cardinalis subscripsi.

Datum Laterani permanum Joannis Sanctæ Mariæ in Cosmidin diaconi cardinalis S. R. E. cancellarii, vi Kalend. Aprilis, indictione ix, Incarnationis Do-

A minicæ anno 1297, pontificatus vero domini Innocentii papæ III, anno decimo.

#### CCXXV.

MAGISTRO ET FRATRIBUS DE PEREIRO.

*De confirmatione possessionum.*

(Laterani, ii Kal. Aprilis.)

Solet annuere sedes apostolica piis votis et honestis petentium precibus favorem benevolum imperfiri. Eapropter, dilecti in Domino filii, vestris justis postulationibus grato concurrentes assensu, decimas ecclesiæ et possessiones quas per quadraginta annos et amplius quiete et pacifice posseditis, auctoritate vobis apostolica confirmamus, inhibentes districtius ne quis vos super his indebitate molestare presumat. Nulli ergo . . . inhibitionis, etc., usque incursum

Datum Laterani, ii Kal. Aprilis, pontificatus nostri anno decimo.

#### CCXXVI.

CONSULIBUS ET POPULO MONTISPESSULANI.

*Confirmat quandam compositionem.*

(Laterani, i Id. Aprilis.)

Cum illius locum, licet immeriti, teneamus in terris qui discordias detestatur, ne in iis quæ pro bono pacis facta noscuntur quæstionis scrupulus vel fomes discordiæ valeat suboriri, apostolica debet circumspectio providere. Eapropter, dilecti filii vestris justis postulationibus grato concurrentes assensu, compositionem inter vos et charissimum filium nostrum regem Aragonensem per venerabilem fratrem nostrum Magalonensem episcopum super controversiis, guerris et dissensionibus rationabiliter initam, quia sine pravitate facta est et ab utraque parte sponte recepta interposito juramento, ut in vestris et ejusdem regis authenticis litteris plenius continetur, auctoritate apostolica confirmamus. Nulli ergo omnino hominum liceat hanc paginam nostræ confirmationis infringere, vel ei ausu temerario contraire. Si quis autem hoc attentare præsumperit, indignationem omnipotentis Dei et beatorum Petri et Pauli apostolorum ejus se novet incursum.

Datum Laterani, Idibus Aprilis, pontificatus nostri anno decimo.

#### CCXXVII.

ABBATI ET CONVENTUI CLUNIACENSI.

*Confirmat quandam donationem.*

(Laterani, xvii Kal. Junii.)

Authenticum felicis memorie Clementis papæ prædecessoris nostri recepimus in hæc verba: *Justis petentium desideriis dignum est nos facilem præbere assensum et vota quæ a rationis tramite non discordant effectus prosequente complere.* Eapropter, dilecti in Domino filii, vestris justis postulationibus grato concurrentes assensu, capellam quam in Tuscanensi civitate de concessione venerabilis fratris nostri Joannis Tuscanensis episcopi canonice adepti estis, sicut eam juste ac pacifice possidetis, vobis et per vos monasterio vestro auctoritate apostolica confirmamus et